



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hymni Ecclesiastici Novo Cultu Adornati

Clairé, Martin

Parisiis, 1676

Ad Lavdes.

urn:nbn:de:hbz:466:1-12077

ECCLESIASTICI. 9

Dant se Magi tres in viam,
Stellam sequentes præviam;
Et quem vident in fidere,
Deum fatentur munere.

Adæ prioris debita
Reddit secundus irrita:
Intrat lavacrum fluminis,
Flumen daturus sanguinis.

Lætæ sequuntur nuptiæ;
Signum datur potentiaæ:
Qui jussus undas attulit,
In vina versas protulit.

J E S U , fave credentibus,
Qui te revelas Gentibus:
Tibi, Patri cum Flamine
Sit laus in uno Numine. Amen.

AD LAUDES.

O Bethlehami mœnia,
Dignata, cæli munere,
Hunc, facta quo sunt omnia,
Incorporatum gignere.

Hunc stella sole clarior
Venisse terris nuntiat,
Qui regibus potentior
Jus orbe toto sanciat.

A v

HYMNI

Ad hæc Magi spectacula
Se, gestientes, conferunt;
Illique myrræ vascula,
Aurumque, thûsque deferunt.

Auro potestas regia,
Divina, thure promicat;
Et funeris præsagia
Oblata myrrha prædicat.

Lumen, Deus, de lumine,
Qui te revelas Gentibus,
Tibi, Patri cum Flamine,
Laus sæculis fit omnibus. Amen.

IN QUADRAGESIMA.

AD VESPERAS.

AUDI, benigne Conditor,
Supreme mundi cognitor,
Junctas quadragenario
Nostras preces jejunio.

Scutator imi pectoris,
Quod defit adde roboris:
Ad te reversos excipe,
Ut te regamur principe.

Multum quidem peccavimus;
Sed nos pium te novimus: